

KODAK
LICENSED PRODUCT

M
Y
G

KODAK Gray Scale



赤水玄珠

傷寒門

廿三

和
516
24



武中門
新 5/6
24

赤水玄珠第二十三卷目錄

痰證

傷食

虛煩

脚氣

傷寒用藥法則

六經用藥法

傷寒看證大畧

一提金脈要

赤水玄珠

卷二十三

截江綱論脉

傷寒撮要論脉

六經圖正治法

煎藥法

却病法

製藥法

赤水玄珠第二十三卷

新安生生子孫一奎著輯

痰證

外證增寒壯熱惡風自汗胸滿氣上衝咽不得息

頭不疼項不強若涎多者亦隱頭疼脉有寸

浮者亦有寸伏者以意參之柴胡半夏湯金沸

草散大半夏湯氣上衝瓜蒂散吐之此亦風痰

積痰虛損痰不用此藥

傷食

亦

卷之三

二

亦頭疼惡寒身熱但左手脉平和右手脉緊盛知
為食太橘皮二陳湯心腹滿脹大柴胡湯下之
胸滿嘔吐者瓜蒂散吐之亦夾食傷寒也全傷
食者恐不可用柴胡

○虛煩

諸虛煩熱與傷寒相似但不惡寒頭不疼身不痛
為異耳表既虛不可汗裏不實不可下叔和云
虛煩有熱不可攻

○脚氣

傷寒傳足不傳手所以寒濕之氣蒸于足發則類

傷寒其証頭疼身熱肢節痛大便閉或嘔但初
病時起于脚膝屈弱不能移動為異耳感於寒
所患必冷越婢小續命湯入生姜汁家妙感于
暑所患是熱小續命去附子減桂一半脚腫木
瓜散栝柳散大便秘脾約丸

○論傷寒用藥法則

標本逆從之既明五劑之藥須用識且如表汗用
麻黃無芩白不發吐痰用瓜蒂無豉不湧去實
熱用大黃無枳實不通溫經用附子無乾姜不

熱甚則以泥清水加芫白煎之竹瀝無姜汁不能行經絡蜜道無皂角不能通秘結非半夏姜汁不能止嘔吐非人參竹葉不能止虛煩非小柴胡不能和解表裡非五苓散不能通利小便非天花粉乾葛不能消渴解肌非人參麥門冬五味不能生脉補元非犀角地黃不能止上焦之吐衄非菝仁承氣不能破下焦之瘀血非黃耆桂枝不能實表間虛汗非茯苓白朮不能去濕助脾非茵陳不能去黃疸非承氣不能制定

發狂非枳桔不能除痞滿非陷胸不能開結胸非羌活不能治四時之感冒身疼非人參敗毒不能治春溫非四逆不能治陰厥非人參白朮不能化斑非理中烏梅不能治蚊厥非桂枝麻黃不能除冬月之惡寒熱隨汗解非姜附湯不能止陰寒之泄利非大柴胡不能去實熱之妄言陰陽咳嗽上氣喘息用加減小青龍分表裡而可汗下此傷寒用藥之大法也

陰經用藥格法

太陰脾土性惡寒濕非乾姜白朮不能燥濕也
少陰腎水性惡寒燥非附子不能溫潤
厥陰肝木藏血榮筋非芍藥甘草不能滋養此經
常之道

○治傷寒看證大畧

凡證有頭疼惡寒皆是傷寒無則皆否也何則蓋
傷寒則惡寒傷食則惡食理固然也但風從上
來臥先受之寒從下來臥先受之風與寒常相
因而感冒之時則又不同及其証之外見者則

一也

○一提金脉要

人之陰陽即為先天人之氣血即為後天脉者非
血非氣乃血氣之先即營行之道路又問曰既
知先後夫之脉理須明持脉之要曰舉曰按曰
尋三字若此不明即陰陽表裡虛實何以別之
持脉者輕手循之曰舉重手取之曰按不輕不
重委曲求之曰尋

○截江網論脉

赤水珠

卷之三

脉

雜病以絃為陽傷寒以絃為陰雜病以緩為弱傷
寒以緩為和兩手無脈曰雙伏一手無脈曰單
伏必有正汗也寸口陽脈中或見沉細者但無
力者為陽中伏陰尺部陰脈中或見沉數者為
陰中伏陽寸口數大有力為重陽尺部沉細無
力為重陰寸脈浮而有力主寒邪表實宜汗浮
而無力主風邪表虛宜實尺脈沉而有力主陽
邪在裡為實宜下無力主陰邪在裡為虛宜溫
寸脈弱而無力切忌發吐尺脈弱而無力切忌

汗下初按來疾去遲名曰內虛外實去疾來遲
名曰內實外虛尺寸俱同名曰緩者和而生
也汗下後脈靜者生躁亂身熱者死乃邪氣勝
也溫之後脈來歇至者正氣脫而不復生也純
絃之脈名曰負者死按之解索名曰陰陽離
離者死陰病見陽脈者生陽病見陰脈者死

傷寒撮要論脈

左右手脈俱急緊盛是夾食傷寒右手脈來空虛
左手脈來緊盛是勞力傷寒左手脈來緊右手



洪滑或寸脉沉伏身熱惡寒隱頭痛喘咳煩
 悶胸脇躄痛是夾痰傷寒左手脉來緊瀯右手
 脉沉數心胸脇下小腹有痛處是血鬱內傷外
 感六經圖及傷寒撮要一提金六經正治捷法
 足太陽經委中穴在脰中央約紋動脉陷中脰中
 央即膝後相對腿灣中也目内眦在面前眼内
 边神庭在中間額上額角也

赤水朱

卷

陰

此圖王枕至阴二穴膀胱經穴也風府穴督脉穴也膀胱與督脉會于頂顛連於風府太陽症項強故併及之

足太陽膀胱經圖頭為諸阳之首故多傳變受病為先也其脉起于目内眦從頭下至項連風府行身之背終於足也其証頭項痛項強腰疼骨節痛經曰太陽頭痛脉浮項背強而惡寒嘔逆身疼或已發熱或未發熱者俱宜發表不可輒下之表邪乘虛内陷傳變不可勝數又不可利

小便利之則引熱入裡其害不淺若本病煩熱小便不利者乃利之則不禁如小便自利如常則不可利也凡有汗不得再發汗多不得利小便

足太陽起于目内眦上額過神庭弯至王枕過項夾背脊由後廉而下至小趾外側至阴穴止

○太陽經見證法本言不可利也
假如先起惡寒者本病已後發熱者標病若有一毫頭痛惡寒身熱不拘日數多少便宜發散自

然熱退身涼，有何變証。此處寒熱標本指病之先後言，上文本病煩熱之本字指六經標本言，不可混看。

○辯証法

表裏自汗者為風傷衛氣，宜實表，實無汗者為寒傷營血，宜發表。

○診脈法

診脈大凡皮膚之上，輕手按之，便得曰浮脈，浮脈有力為傷寒，脈浮緩無力為傷風。

○用藥法

冬月正傷寒，用升陽發表湯，即加減麻黃湯。冬月傷風，用疎邪實表湯，即加減桂枝湯。春秋無汗，用羌活中和湯。發表有汗，用加減中和湯。實表腹痛，小建中湯。痛甚，桂枝加大黃湯。夏月無汗，用神木湯。有汗，用前加減中和湯。

足阳明经



此圖神庭穴督脉穴也阳明經神庭過故載之
 足阳明胃經圖乃兩陽合明于前也一曰府者居
 中土也萬物所歸也其脉起于鼻額上頭額絡
 于目循于面行身之前終于足也經曰傷寒二
 日阳明脉大又曰尺寸俱長者阳明受病也
 足阳明起于鼻而傍上頭維從乳中近外傍而下
 前廉梁丘穴至太趾次趾之端厲兌穴止
 ○阳明經見証法
 頭額痛目痛鼻乾不眠微惡寒是足阳明胃經受

赤水堂朱

十三卷

五十四

病假如先起目痛惡寒身熱者陽明經本病已後潮熱自汗譫語發渴大便實者正陽明胃府標病夫本宜解肌標宜急下看消息用之

○辯證法

目痛鼻乾微惡寒身熱病在經潮熱自汗譫語發渴便實不惡寒病在腑

○診脈法

按至皮膚之下肌肉之間畧重按之乃得之脈見微洪為經病按至筋骨之間重按之乃得脈見

沉數為肝病

○用藥法

微惡寒自然目腫痛鼻乾不眠者用柴葛解肌湯即加減葛根解肌湯渴而有汗不解者如神白帛湯即加減白帛湯潮熱譫語發渴揭去衣被揚手擲足斑黃狂亂不惡寒反怕熱大便實者輕則大柴胡湯重則三承氣湯選用俱在秘方六一順氣湯加減治之

足少陽經



足少陽膽經其脉起于目銳眦上頭角絡耳中循
 脊脇行身之側終于足也前有陽明後有太陽
 居二阳之中所以居半表裡經曰尺寸俱弦者
 足少阳受病其證頭痛目眩口苦腦滿耳聾脇
 痛或心煩喜嘔或胸中煩悶而不嘔或心下病
 鞭或寒熱往來或發熱寅申時尤盛或身微熱
 者皆少阳也凡頭痛耳中痛耳中烘烘而鳴
 耳之上前後腫痛皆少阳所主部分其火為之
 也若口苦者少阳之痰熱脇下鞭者少阳之結

也。少陽起于目銳眦上頭角絡耳中過乳外傍從兩脇由外廉而下至小指次指之端竅陰穴止。

○少陽經見證法
假如先起惡寒身熱耳聾脇痛者本病已後嘔而舌乾口苦者標病緣胆無出入病在半表半裡之間止宜小柴胡湯加減和辭表裡治之再無別湯本方有加減法此經有三禁不可汗下利也若治之得法有何壞証當須識此毋致忽焉

○辨證法
耳聾脇痛寒熱嘔而口苦舌乾便屬半表半裡証不從標本從乎中治

○診脈法
按至皮膚之下肌肉之間畧重按之乃得脈見弦數本經

○用藥法
耳聾脇痛寒熱嘔而口苦舌乾者用柴胡雙解飲即加減小柴胡湯若陽明少陽合病則脈弦而

耳聾脇痛寒熱嘔而口苦舌乾者用柴胡雙解飲即加減小柴胡湯若陽明少陽合病則脈弦而

長此湯加葛根芍藥即和心肝合氣燥熱而足大陰經



大白 大都 隱白

此圖臆中穴任脉穴也太陰脉過此故載之
 足太陰脾經圖脾為中榮宮之坤土也其脉始于
 足大指上行至腹絡于噤連舌本行身之前也
 若寒邪卒中直入本經者一時便發腹痛或吐
 或利宜溫之如四日而發腹滿噤乾者此傳經
 之邪也宜和之若太陽病下之早因爾腹痛者
 此候下之而傳也凡治太陰症自利不渴脉沉
 細手足冷急溫之若脉浮者可發汗宜桂枝湯
 主之若發熱脉數者少陽之邪未解小柴胡湯

赤水脈朱

主之如自利不渴者臟有寒也宜理中湯甚者加附子重則回陽救急湯即加減四逆湯腹滿嘔吐食不下者宜治中湯手足冷脉沉細者宜四逆湯若傳經邪熱內陷腹痛者宜桂枝芍藥湯主之

足太陰從足大趾隱白穴由內廉而上環小腹上乳內傍臍中其別從乳外近厥陰而上至喉下人迎止又云凡陽經傳來之邪終是陽明腑証皆不當和

亦不可用桂枝只三承氣選用其用桂枝者中在陰經未入陰府也

○太陰經見證法

腹滿自利津不到咽手足溫者是足太陰脾經受証假如先起腹滿咽乾者本病已後身自黃標病內有寒熱所分不可混治臨病之際用在得宜

○辨証法

腹滿咽乾發黃者屬腑熱自利不渴或嘔吐者屬

臟寒

診脈法

重手按至肌肉之下筋骨之間方得脈沉而有力
宜當下脈見沉而無力宜當溫

○用藥法

腹滿咽乾手足溫腹痛者桂枝大黃湯即加減桂
枝湯身自黃者茵陳大黃湯即加減茵陳湯自
利不渴或嘔吐者加味理中飲重則回陽急救
湯即加減四逆湯

足少陰經



足少陰經

足少陰腎經圖為人身之根蒂也其脉始于足心上行貫脊循喉絡舌本散舌下注心中行身之前也若因怒事腎虛者寒直中之也其証一二日便發故發熱脉沉足冷或惡寒倦卧宜溫經散寒若五六日而發躁舌乾者此傳經之熱邪宜急下之恐腎水乾也如其脉沉細足冷者又不可下急溫之脉沉疾有力者乃可下之凡少陰飲水而小便色白者下虛有寒引水自救非熱宜溫之蓋少陰傷寒多因勞傷腎經之所致

有緊有慢其害甚速宜溫之不可以寒涼之藥妄投之也但脉沉足冷雖發熱者急宜溫腎以扶元氣

足少陰起于足心湧泉穴由內廉而上在太陰經之後行入乳內傍近臙中至喉下人迎止

○少陰經見證

假如先起舌乾口躁者本病已後譏語大便實者標病至閉經則難拘定法或可溫而或可下因分直中者寒証傳經者熱症是其發前人之所

未發也

○診脈法

重手按至肌肉之下筋骨之間方得脈見沉實有
另宜當下脈見沉遲無力宜當溫

○用藥法

口燥咽乾渴而譫語大便實或遠臍鞭痛或下利
純清水心下鞭痛者俱是邪熱燥屎使然急用
六一順氣湯分輕重下之即承氣湯有加減法
無熱惡寒厥冷勑卧不渴或腹痛嘔吐瀉利沉

重或陰毒手指甲唇青嘔逆絞痛身如被杖面
如刀刮戰慄者俱是寒邪中裡使然急用回陽
救急湯溫之即四逆湯有加減法



吳澤第

足厥陰經



此圖一經從缺盆下乳上入裏會於頂巔
 足厥陰肝經圖厥者尽也六經之尾也其脉起於
 足大指上環陰器抵小腹循脇肋上口唇與督
 脉會于巔頂行身之前側也若本經不足寒邪
 直中之也一日便發吐利小腹痛寒甚者唇青
 厥冷囊縮急宜温之并著灸丹由氣海以温
 之若六七日發煩滿囊拳者此傳經熱邪厥深
 熱亦深也若脉沉疾有力者宜急下之若脉微
 細者不可下也凡傷寒傳至厥陰經則病勢極

赤水為理

赤水為理

三卷

矣然死生在於頃臾可不謹察之也大抵熱深厥亦深則舌卷囊縮陰寒冷極亦舌卷囊縮也當要仔細而辯其冷熱之治其法微矣

足厥陰起足大趾太敦穴由內廉而上在太明經之前行入小腹過脇下從乳外傍弯入乳內傍至中腕而止其入裏行者會于巔頂也圖內不載

厥陰經見證法

假如先起消渴煩滿者本病已後舌卷囊縮者標

病亦有寒熱兩端不可驟作熱治

辨證法

煩滿囊拳消渴者屬熱口涎沫不渴厥冷者屬寒似瘧不嘔清便必自愈

用藥法

消渴煩滿舌卷囊縮大便實手足乍冷乍溫者急用六乙順氣湯下之即承氣湯有加減法口吐涎沫或四肢厥冷不溫過乎肘膝不渴小腹絞痛嘔逆者急用茱萸四逆湯即回陽救急湯有

加減法

煎藥法

- 一 發汗藥先煎麻黃一二沸後入餘藥同煎
- 一 止汗藥先煎桂枝
- 一 和解藥先煎柴胡
- 一 下藥先煎滾水入枳實
- 一 溫藥先煎乾姜
- 一 行血藥先煎桃仁
- 一 利水藥先煎猪苓

止瀉藥先煎炒白朮

消渴藥先煎天花粉

止痛藥先煎白芍藥

發黃藥先煎茵陳

發斑藥先煎青黛

發狂藥先煎石羔

止嘔藥先煎半夏

勞力感寒先煎黃芪

濕証藥先煎蒼朮

發狂 狂陽 狂陰 躁便

一 感冒傷寒 先煎羌活

一 暑症藥 先煎香薷

一 瘧病藥 先煎防風

一 腹如雷鳴藥 先煎煨生薑

已上俱以主病者先煎餘藥俱後入同煎

劫病法

一 傷寒發狂奔走人難制伏先於病人處生火一
盆用醋一碗傾於火上其烟冲入鼻內即安方
可察其陽狂陰躁親切用藥無差若初起頭疼

發熱惡寒方除已後登高而歌棄衣而走踰牆
上屋罵詈呼喊大渴欲死脈來有力乃因邪熱
傳裏陽盛發狂當用寒藥下之此為陽狂凡見
舌卷囊縮者不治若病起無頭疼身微熱面赤
戴陽煩躁脈來沉微無力欲坐卧於墜水中乃
因寒熱而發躁手指甲面色青黑冷汗不止心
腹結鞭如石躁渴欲死即陰証似陽當用熱藥
溫之此為陰躁凡見厥冷下利譏語者不治須
詳脈來有力無力此為良法

腹痛寒熱血便

一傷寒腹中痛甚將凉水一盞與病人飲之其痛稍可者屬熱當用涼藥清之清之不已而或透臍鞭痛大便結實煩渴屬燥屎急用寒藥下之若食痛同治法若小腹鞭痛小便自利大便黑身目黃者屬蓄血亦用寒劑加行血藥下盡黑物則愈此三者皆痛隨利減之法也若飲水愈加作痛屬寒當用溫藥和之和不已而或四肢厥冷腹痛嘔吐瀉利急用熱藥救之須詳脈來有力無力此為良法

真寒脫元

一傷寒直中陰經真寒証甚重而無脈或吐瀉脫元而無脈用好酒姜汁各半盞與病人服之其脈來者可治當察其脈用藥不拘脈浮沉大小但指下出見者生如用此法脈不至者必死又當問病人何處有痛証要知痛甚者脈必伏宜隨病制宜方為吉兆如無痛証用此法而脈不至者不為吉兆尤當問病人若平素原無正取脈須用覆手取之脈必見也此屬反關脈診法與正取法同若平素正取有脈後因病診之無

古胎

脈者亦當覆手取之而脈出者陰附錯亂也宜
和合陰陽如覆取正取俱無脈者必死此為良
法

一傷寒舌上生胎不拘滑白黃黑俱用井水浸青
布片於舌上洗淨後用生薑片子時時蘸水刮
之其胎自退凡見舌生黑胎芒刺者必死此熱
毒入深十有九死是腎水尅心火也若發黃者
用生薑粗時週身擦之其黃退若心胸脇下
有邪氣結實滿悶鞭痛用生薑一斤搗粗去汁

衄血不止

炒微燥帶潤用絹包於患處敷之稍可又
將粗和勻前汁炒乾再熨許久豁然寬快俱為
良法

一傷寒鼻衄成流久不止者將山梔炒黑為細末
吹入鼻中外將水紙搭於鼻中其血自止若點
滴其血不成流者其邪在經未解照後秘方用
藥不在此法

一傷寒熱邪在裏服轉藥後鹽炒棘皮一升將絹
包於病人腹上款之熨之使藥氣得熱則行太

熱邪在裏

吐血不止

真寒証

便易通矣

一傷寒吐血不止用葦汁磨京墨埋下其血見黑必止如無葦汁用鷄子清亦可正謂赤屬火而黑屬水也

一傷寒直中陰經真寒証或明毒証身如被杖腹中絞痛嘔逆沉重不知人事四體堅冷如石冰指甲唇青藥不得入口六脉沉細或無脉欲絕者將葱白一握切去根葉取白三寸許如餅先用麝香半分填於脐中後放葱餅於脐上以火

熱邪傳裏不解

熨之連換二三餅稍醒灌入生姜汁煎服回陽救急湯如不醒再灸關元氣海二三十壯使熱氣通其內逼邪出于外以復陽氣如用此法手足溫和汗出即醒者為有生也如用此法手足不溫汗不出不省人事必死

一傷寒熱病熱邪傳裏亢極無解用黃連煎水一盞放井中頓冷浸青布搭于胸中徐換之待熱勢稍退即除不可久漬夏月用此法冬月不

宜用

赤火散

卷

七

服茶吐出

一傷寒服藥轉吐出不納者隨用竹管重捺內關後將生姜自然汁半盞熱飲其吐即止大凡服寒藥熱飲熱藥寒飲中和之劑溫和服之如要取汗雖辛甘之劑亦宜熱服如要止汗雖辛甘溫之劑亦宜溫服此為良法

中風昏迷

內關中掌後腕二寸厥陰心包相火之經一中風痰厥昏迷卒倒不省人事欲絕者先用皂莢末擦紙燒烟冲入鼻有嚏可治隨用吐痰法用皂莢末五分半夏白礬各三分為細末姜汁

乾霍亂

調服探吐後服藳陳湯加減治之無噎不可治此為良法

一治乾霍亂不得吐者用滾湯一碗入皂莢末三分鹽一撮調服探吐切莫與米湯與之即死是穀氣反助邪氣也

中寒卒倒

一中寒卒倒昏迷不醒者先用熱酒姜汁各半盞灌入稍醒後服加味理中為効如不飲酒人止用姜汁灌之依此法調治冬月有之餘身不多見

製藥法

一用附子去皮臍先用鹽水姜汁各半盞用砂鍋煮七沸後入黃連甘草各半兩再加童便半盞再煮七沸佳火良久撈起入磁器盛貯伏地氣一晝夜取出晒乾以備後用庶無毒等項圓疔正一兩一枚者佳

一用川大黃須錦紋者佳剉成飲片用酒拌均燥乾後用不傷陰血如年壯實熱者生用不須製一用麻黃去節先滾醋湯畧浸片時撈起以備後

用庶免大發如冬月嚴寒膝理至密當生用不須製

用吳茱萸將鹽水拌均炒燥庶無小毒

用附子後身自紅者乃附子之過用蘿蔔搗水瀝汁二大盞入黃連甘草各半兩犀角三錢煎至八分服之以解附子毒其紅即除如解遲必血從耳口鼻出者必死無蘿蔔用蘿蔔子搗水取汁亦可如無蘿蔔子用澄清泥漿水亦可也一用大黃後瀉利不止者用烏梅二枚炒粳米一

撮乾姜三錢人參炒白朮各半兩生附子皮一錢半甘草一錢升麻少許灯心下搗水二大鐘煎之去渣後入炒陳壁土一匙調服即愈取去氣以助胃氣也

一用麻黃後汗出不止者將病人髮披木盆中足露出外用炒糯米半升龍骨牡蠣藁本防風各一兩為細末周身撲之隨後秘方用藥免致亡陽而死此為良法

羌活冲和湯 治太陽傷風有汗脉浮緩

羌活 白芷 黃芩 甘草各一 防風 白朮

生地各一 川芎五分 右如前煎法若一服汗仍

未止加黃芩一錢半芍藥一錢仍未止以小柴

胡加桂枝芍藥各一錢

葛根湯 治太陽陽明項背強急無汗惡風脉帶

弦浮而發熱又治太陽與陽明合病必自利此

湯並主之 葛根錢一 甘草錢一 麻黃各二錢 去節湯泡二次

水二鍾姜四片棗二枚煎畧微取汗

獨活散 治傷寒溫熱等症

羌活 獨羌 防風 枳壳 黃芩 麻黃
 人參 細辛 茯苓 炙甘草 蔓荊子
 甘菊花 石膏 水二鍾姜三片薄荷五葉
 煎
 敗毒散 治傷寒溫疫風溫頭自昏眩四肢疼痛
 增寒壯熱項強目睛疼尋常風眩拘急
 羌活 獨活 前胡 柴胡 川芎 枳壳
 桔梗 茯苓 人參 甘草
 水二鍾如常煎服

六神通解散

麻黃 黃芩 滑石 石膏 甘草
 蒼朮 治時行三日前加葱白香豉煎服而
 汗之左効中病即止不可及劑
 升麻湯 治傷寒中風頭疼增寒壯熱肢體疼痛
 發熱惡寒鼻中乾不得卧兼治寒暄不時人多
 疾疫及暴熱之頃忽然變寒身軀疼痛頭重如
 石 升麻 甘草 芍藥 葛根
 每服七八錢煎如常法若老人去芍藥加柴胡

茯苓个各一錢
 五積散 治阴經傷冷脾胃不和感寒邪
 蒼朮^四 桔梗^二 陳皮^八 白芷^{各四}
 甘草^四 枳壳^五 肉桂^{各二} 人参^{各二} 川芎^{各二}
 厚朴^半 半夏^各 芍藥^各 當歸^各 麻黃^各 乾姜^各
 右十六味除枳壳肉桂陳皮其餘共一處生搗
 為粗末用酒拌勻晒干分作六分大鍋內文武
 火炒令黃色不得焦擲冷入殼桂陳皮和勻每
 服五錢水二鍾姜三片煎下鍾服

婦人血風証因崩漏大脫血或前後血因而涸燥
 其熱未除尋衣摸床撮空閉目不省人事揚手
 擲足搖動不安錯語失神脉弦浮而虛內有燥
 熱之極氣粗鼻乾而不潤上下通燥此為難治
 宜服生地黄黃連湯
 治男子去血多亦有此症其妙不可容言
 生地黄黃連湯
 川芎 生地 當歸 赤芍藥 梔子
 黃芩 黃連 各三 防風

每服五錢水煎清飲徐徐呷之如脈實可加大黃下之太承氣湯氣藥也自外而之內者用之生地黄連湯血藥也自內而之外者用之氣血合病循衣撮空治同

自氣而之血而復之氣者大承氣湯下之自血而之氣而復之血者生地黄連湯主二者俱不大便此是承氣湯對子又與三黃石膏湯表裏皆是三焦胞絡相火之用也病既危急只得以此湯降血中火耳不拘婦人男子去血過

多而有此症者皆宜服之無不効者

秘用三十七方就註三十七槌法

升麻發表湯 即麻黃湯附加減法

治冬月正傷寒頭疼發熱惡寒脊強脈浮緊無汗為表症此足太陽膀胱經受邪當以頭如斧劈身如火熾者宜此湯有汗者勿用

麻黃 桂枝 甘草 杏仁 升麻 川芎 防風 白芷 羌活 本經發熱惡寒頭痛無汗而喘者本方加干葛

去升麻
本經發熱惡寒身解痛者本方加蒼朮芍藥去杏仁
本經惡寒發熱身痒面赤者以其不得小使出故也本方去白芷升麻杏仁加柴胡芍藥
本經頭痛發熱惡寒胸中飽悶者本方加枳壳桔梗
本經感寒深重服湯不作汗者再宜服至二三劑而汗不出者死

本經汗後不解者宜再服量症輕重用麻黃升麻分多寡為當

水二鍾姜三片葱白二莖槌法加江西豆豉一撮煎之熱服取汗有神宜厚被覆者凡中病即止不得多服多則反加別病

踈邪實表湯 即桂枝湯附加減法

治冬月正傷風頭痛發熱惡寒脊強脉浮緩自汗為表症此足太陽膀胱經受邪當實表散邪無汗者不可服

麻黃湯

卷

二

桂枝 芍藥 甘草 防風 川芎 羌活
 白朮 如汗不止加黃芪 喘加杏仁柴胡
 胸中飽悶加枳殼桔梗
 水二鍾姜三片棗二枚槌法加膠餵二匙溫服
 羌活沖和湯 以代桂枝麻黃青龍各半湯此
 太陽經之神藥也
 治春夏秋非時感冒暴寒頭痛發熱惡寒脊強
 無汗脈浮緊此足太陽膀胱經受邪是表症宜
 發散不與冬時正傷寒同治此湯非獨治三時

暴寒春可治溫夏可治熱秋可治濕治雜症亦
 有神也冬寒亦可用惟黃芩須輕投耳
 羌活 蒼朮 防風 黃芩 川芎 白芷
 甘草 生地黄 細辛 五分不
 水二鍾煎八分熱服溫被蓋取微汗濕土司
 天加蒼朮一錢五分天久淫雨亦加如渴加石
 膏三錢知母一錢不渴不加冬月禁之
 如胸中飽悶加桔梗枳殼去生地
 夏月加石膏知母名神木湯如服此湯後不作

汗本方加蘇葉喘而惡寒身熱本方加杏仁牛
地汗後不解宜服要汗下兼行加大黃乃釜底
抽薪之法

其春夏秋感冒非時傷寒亦有頭疼惡寒身熱
脉浮緩自汗宜實表本方去蒼朮加白朮汗不
止加黃芪即加減冲和湯再不止以小柴胡加
桂枝芍藥一錢有神

槌法姜三片束二枚煎至一鐘加葱白搗汁五
匙再煎一二沸如發汗熱服止汗温服

柴葛解肌湯

即葛根湯附加減法

治足陽明胃經受邪目痛鼻乾不眠微頭疼眼
眶痛脉來微洪宜解肌屬陽明經病其正陽明
腑病別有治法

柴胡

葛根

甘草

黃芩

芍藥

羌活

白芷

桔梗

本經無汗惡寒甚者去黃芩加麻黃冬月宜加
春宜少夏秋去之加蘇葉
本經有汗而渴者治法在如神白虎湯下即白

疑黃芩下
脫名為三

帛湯

水二鍾姜三片枣二枚槌法加石膏末一撮煎
乏熱服

柴胡雙解散

即小柴胡湯附加減法

足少陽膽經受證耳聾脇痛寒熱嘔而口苦脉
來弦數属半表半裏宜和解此經無出入有三
禁不可汗下利也止有小柴胡一湯隨病加減
再無別湯

柴胡 黄芩 半夏 甘草 人參 陳皮

芍藥

若只小柴胡湯無芍藥

本經症小便不利加茯苓

脇痛加青皮

本經嘔者入姜汁竹茹

痰多加瓜萸貝母

寒熱似瘧加桂

渴加天花粉知母

齒燥無津液加石膏

嗽者加五味金沸草

壞症加鱉甲

本經症心下飽悶未經下者非結胸乃表邪傳
至胸中未入乎腑證雖滿悶尚為在表只消小
柴胡加枳梗末效就以本方對小陷胸加枳桔

一服虛煩類傷寒証本方加竹葉炒粳米
 本經與陽明合病本方加葛根芍藥
 婦人熱入血室加當歸紅花
 男人熱入血室加生地黃
 老婦人傷寒無表証其熱勝者本方加大黃甚
 者加芒硝

水二鍾姜一片棗二枚槌法加生艾汁三匙煎
 之溫服

小柴胡湯證註釋

治太陽病十日已去脈細而嗜卧外雖已解設胸
 滿痛與服之若脈浮者麻黃湯傷寒五六日來
 往寒熱胸脇若痛默不飲食心煩喜嘔或煩
 而不嘔或渴或腹中痛或脇下痞鞭或心悸小
 便不利或不渴身有微熱者此湯主之血氣弱
 腠理開邪氣因與正氣相搏結于胸下邪正分
 爭往來寒熱休作有時默不飲食臟腑相連
 其痛必下邪高痛下致使嘔也此湯主之服柴
 胡湯已渴者屬陽明以法治之傷寒五六日身

熱惡風頭項強脇下滿手足溫而渴者此湯主
之傷寒陽脈濇陰脈弦腹中急痛先與小建中
湯不差者此湯主之太陽病過經十餘日發汗
吐下後四五日柴胡湯証仍在者先與小柴胡
湯嘔不止心下鬱微煩者為未解也與大柴胡
湯下之則愈婦人中風七八日續得寒熱發作
有時經水適斷者此為熱入血室其血必結致
如瘧狀此湯主之傷寒五六日頭汗出微惡寒
手足冷心下滿不飲食大便硬脈細者為陽微

結必有表復有裏脈沉亦裏也汗出為陽微假
令純陰結不得復有外症悉入在裏此為半在
表半在裏也脈雖沉緊不得為少陰病所以然
者陰不得有汗也今頭汗出故知非少陰可與
此湯設不了之得尿而解傷寒五六日嘔而發
熱者柴胡湯症具而以他藥下之柴胡症在者
復與小柴胡湯心下痞為逆必蒸之而振却發
熱汗出而解若心下滿而腹痛者此為結胸也
大陷胸湯主之但滿而不痛者此為痞氣柴胡

不可與之宜半夏瀉心湯已上屬太陰經
末後五六日嘔而發熱至太陰經一段俱大陰
證節菴併及者見太陰証柴胡亦有當與不當
與者

陽明病發潮熱大便溏小便自可胸脇不利者
與此湯陽明病脇下鞭滿不大便而嘔舌上白
胎皆可與之上焦浮通津液得下腎氣因和澀
然汗出而解陽明中風脈弦浮大而短氣腹部
滿脇下及心痛久按之氣不通鼻乾不得卧一

身及目悉黃小便難有潮熱時熾身前後腫
刺之少差外不解病過十日脈續浮者此湯主
之已上屬陽明經太陽病不解轉入少陽脇下
滿乾嘔不能食往來寒熱尚未吐下脈沉緊者
此湯主之若已吐下後發汗溫鍼譏語少柴胡
湯証罷此為壞証知犯何逆以法治之已上屬
少陽經嘔而發熱宜服此湯傷寒已後更發熱
此湯主之若脈浮者以汗解之屬陽易差後勞
復脈證

彭用光加減法

如胸中煩而不嘔去半夏人參加瓜蒌仁煩者
熱也嘔者逆氣也今煩而不嘔則熱聚而氣不
逆邪氣欲漸成實也參甘恐補去之無助熱夏
味辛散去之以無逆氣也瓜蒌仁苦寒用之以
通鬱熱于胸中

若渴者去半夏恐燥津液加人參之甘潤瓜蒌
根之苦潤相合則津液生而渴已也

若腹中痛去黃芩加芍藥寒邪入裏氣不足

寒邪壅則腹中痛芩苦寒性堅而寒中去之則
中氣易和芍藥味酸而和中加之則裏氣得通
而腹痛自愈

如脇下痞鞭去大棗之甘溫恐令滿加牡蠣之
酸鹹則痞消而鞭鞭矣

若心下悸小便不利者去黃芩之苦寒恐苦水
浸行加茯苓之甘淡能滲利則津液通矣
若不渴外有微熱去人參微熱恐有表邪加桂
枝取汗發散表邪也

若效者去人參大棗生姜加五味子乾姜肺氣
逆則效參東姜甘溫中則肺氣愈逆故去之用
五味子之酸收歛肺氣乾姜之辛熱以散內之
寒氣則效自止若加葛根芍藥治少陽明合
病頭畧痛發熱耳聾脇痛或往來寒熱如瘧和
解散治之和解散即小柴胡湯加減如嘔逆加
姜九片陳皮一錢如頭痛惡寒加羌活防風各
一錢寒熱間作加桂枝一錢夏月中暑發熱頭
痛加黃連一錢春天溫病時行加生地黃川升

麻一錢瘡疾或先寒後熱加川常山尖檳榔半
錢各要末發時煎服傷寒惡寒頭項強發熱前
方沖和湯內去細辛蒼朮加白水二錢
桂枝大黃湯 即桂枝湯加大黃附加減法
治足太陰脾經受症腹滿而痛咽乾而渴手足
溫脈來沉而有力此因邪熱從陽經傳入陰經
桂枝 芍藥 甘草 大黃 枳實 柴胡
本經腹滿不惡寒而喘者加大腹皮去甘草
水二鍾姜一片棗二枚槌法臨服入檳榔磨水

三匙熱服

中云看此証不如三承氣湯選用或一日初傳大陰乃可見仲景書或者邪中陰經而留于腹者也不然必外証未全除可也不然此方亦當用在壞証例非本經藥也直說陽症傳來者誤也

加味理中飲

即理中湯附加減法

治太陰脾經受証自利不渴手足溫身無熱脈

兼沉而無力此屬臟寒

乾姜

白朮

人參

甘草

肉桂

陳皮

茯苓

厥陰消渴氣上衝心飢不欲食即吐或腹痛

大便實者本方加大黃蜜少許利之

本經腹濡滿時減者本方去甘草

本經嘔者入半夏姜汁

本經勸卧沉重利不止必加附子

利後身軀痛者急溫之加附子

自利腹痛者入木香磨姜汁調服和之

水二鍾姜一片棗二枚槌法臨服入炒陳壁土

一匙調服取土氣以助胃氣

茵陳將軍湯 即茵陳湯附加減法

治足太陰脾經腹滿身自發黃小水不利大便實發渴或頭汗刺頸而還脉來沉重者宜用

大黃 茵陳 山梔 甘草

厚朴 黃芩 枳實

木便自調者去大黃厚朴加大腹皮利小便清為効

水三鍾姜一片槌法加灯草一握熱服

藟赤飲 即五苓散附加減法

治小水不利小腹滿或下焦蓄熱或引飲過多

或小便短赤而渴脉沉數者以利小便為先惟

汗後亡津液與陽明汗多者則以利小便為戒

茯苓 猪苓 澤瀉 桂枝 白朮

甘草 滑石 山梔

中濕身目黃者加茵陳

結胸證加木通灯心如小水不利而見頭汗

出者乃阳脱也此死證

自得病起無熱但狂言煩躁不安精采不與人相當此湯治之
此因熱結膀胱太陽經之禪症也一名太陽本病

六一順氣湯 以代大承氣小承氣調胃承氣大柴胡三乙承氣湯大陷胸等湯之神藥也舉世無人知此奇妙耳秘之莫與俗人言附加減法治傷寒熱邪傳裡大便結實口燥咽乾怕熱譫

語揭衣狂妄揚手擲足斑黃陽厥潮熱自汗胸腹滿硬逆臍疼痛等症悉皆治之

- 大黃 枳實 厚朴 甘草
- 黃芩 柴胡 芒硝 芍藥

潮熱自汗譫語發渴揚手擲足揭去衣被狂妄斑黃大便實者俱屬正陽明胃腑病依本方
口燥咽乾大便實屬少陰依本方
下利純清心下鞭痛而渴者屬少陰依本方
怕熱發渴譫妄手足乍冷乍溫大便實者陽厥

証屬厥陰依本方舌卷囊縮者難治須急下之
熱病目不明謂腎水已竭不能照物病已篤矣
惟宜急下依本方目中不了即目不明也
轉屎氣者謂下泄也有燥屎焉當下依本方如
更衣者止後服不必必及劑不更衣宜再少與大
便通者愈若結胸証心下鞭痛手不可近燥渴
譏語大便實者依本方去甘草加甘遂桔梗凡
傷寒過經及老弱併血氣兩虛之人或婦人產
後有下症或有下後不解或有表症未除而裏

症又急不得不下者用此湯去芒硝下之即吉
蓋恐轉藥硝性燥急故有此戒大凡傷寒邪熱
傳裏結實須看熱氣淺深用藥今之庸俗不分
當急下可少與宜微和胃氣之論一槩用大黃
芒硝亂投湯劑下之因茲枉死者多矣余謂傷
寒之邪傳來非一治之則殊耳病有三焦俱傷
者則痞滿燥實堅全俱宜大承氣湯厚朴苦溫
以去痞枳實苦寒以泄滿芒硝鹹寒以潤燥軟
堅大黃苦寒以泄實去熱病斯愈矣邪在中焦

則有燥實堅三証故用調胃承氣湯以甘草和
中芒硝潤燥大黃泄實不用枳朴恐傷上焦虛
無氤氳之元氣調胃之名自此立矣上焦受傷
則痞而實用小承氣湯枳實厚朴之能除痞大
黃之泄實去芒硝不傷下焦血分之真陰謂不
伐其根本也若夫大柴胡湯則有表症尚未除
而裏症又急不得不下者只得以此湯通表裏
而緩治之猶有老弱及血氣兩虛之人亦宜用
此故經云轉藥孰緊有芒硝者緊也大承氣最

緊小承氣次之調胃承氣又次之大柴胡又次
之其大柴胡加大黃小柴胡加芒硝方為轉藥
蓋為病輕者設也仲景又云蕩滌傷寒熱積皆
用湯液切禁丸藥不可不知也
右先將水二鍾滾三沸後入藥煎至八分槌法
臨服時入鐵銹水三匙調服立効取鐵性沉重
之養最能墜熱開結有神此千金不傳之秘
如神白帛湯即白帛湯附加減法
治身熱渴而有汗不解或經汗過渴不解脉未

微洪

石膏

變冬

心煩者

本方

忌

水二鍾

三黃石膏湯

此湯治傷寒後五心煩熱舌燥表裏皆實佛鬱

知母

人參

甘草

山梔

五味

如大渴心煩背惡寒者依

加竹茹一團如天花粉無渴不可服此藥為大

一枚槌法加淡竹葉十片

一片束

陽毒發斑黃身如塗朱眼珠如火狂叫欲走十

指皮脫六脉洪大滑數燥渴欲死鼻乾面赤齒

黃過經不解已成壞症表裏皆熱欲發其汗病

熱不退又復下之太便秘頻小便不利亦有錯

治溫症而成此症者又八九日已經汗下後脉

洪數身壯熱拘急沉重欲治其內由表未解欲

發其表則裡症又急趨趨不能措手待斃而已

殊不知熱在三焦閉塞經絡津液營衛不通遂

成此症又治汗下後三焦生熱脉洪數譎語不

休晝夜喘息鼻時加衄身自俱黃狂叫欲走者
通用此湯治之有神

石膏半一兩 黃芩 黃連 黃柏各七錢

山梔 麻黃 香豉二合

每服一兩水二鍾姜三片棗二枚槌法入細茶
一撮煎之熱服 味中病再服

三黃巨勝湯

此湯治陽毒發斑狂亂妄言大渴呬喊目赤脉
數大便燥實不通上氣喘急舌卷囊縮難治者

權以此湯却之三黃石膏湯內去麻黃香豉加
木黃芒硝是也

水二鍾姜一片棗二枚槌法臨服入泥漿清水
二匙調服即安

冲和靈寶飲 治兩感傷寒起于頭痛惡寒發熱
口燥舌乾以阳先受病多者先以此湯探之中
病即愈

羌活 防風 川芎 生地 細辛 黃芩
柴胡 甘草 乾葛 白芷 石膏

水二鍾煨生姜三片束二枚槌法入黑豆一撮煎之溫服取微汗為愈如不愈表症多而甚急者方可用麻黃葛根為解表如裏多而甚急者先以調胃承氣為攻裏是也如以陰經自中病發熱下利身疼痛脈沉細無力不渴倦卧昏重者又當先救裏溫之回陽救急湯是分表裏寒熱而治此其權變大法古云兩感雖為死証復有可救之理乃用藥先後寒熱之劑及發表攻裡之序不用故枉死者

多矣此方良可

菴仁承氣對子 即菴仁承氣湯附加減法

治熱邪傳裏熱蓄膀胱其人如狂小水自利本便黑小腹滿痛身自黃譏語燥渴為苦魚血証脈沉有力宜此湯下及黑物即愈未服前而血自下者為欲愈不宜服

菴仁 桂枝 芒硝 大黃 芍藥 柴胡 青皮 當歸 甘草 枳實 水二鍾姜三片槌法臨服入蘇木煎汁三匙服

消毒清血飲三治熱邪傳裡實表虛血熱不散
熱氣乘于皮膚而為斑也輕則如疹子重則如
錦紋重甚則斑爛皮膚或本屬阻候投熱藥或
當下不下或下後未解皆能致此不可發洩重
令開泄更加斑爛也然而斑之方萌與蚊迹相
類發斑多見於胸腹蚊迹只在於手足陽脉洪
大病人昏憤先紅後赤者斑也脉不洪大病入
自靜先紅後黃者蚊也其或大便自利短氣拂
鬱氣短燥屎不通又如菓實屬者盧醫復生不

能施其巧矣凡汗下不解足冷耳聾煩悶或便
是發斑之候

黃連 甘草 石膏 知母 柴胡 玄參

生地 山梔 犀角 青黛 人參

水二鍾姜一片棗二枚槌法臨服入苦酒一匙

大便實者去人參加大黃

生地黄連湯治鼻衄成流久不止者或熱毒入
深吐血不止

黃芩 山梔 桔梗 甘草 生地 黃連

柴胡 川芎 芍藥 犀角如無升麻代之

水二鍾束二枚煎十分槌法臨服入茅根搗汁

磨京墨調服如無茅根以藕搗汁亦可

外用切法水紙搭于鼻冲

加味犀角地黄湯 治煩躁漱水不下咽者屬上

焦有瘀血

犀角 生地 芍藥 甘草 桔梗 牡丹皮

陳皮 紅花 當歸

水二鍾姜三片槌法臨服入生藕節搗汁三匙

溫服

回陽救急湯 即四逆湯附加減法

治寒邪直中 陰盛真寒 証初病起無身熱無頭

疼止則惡寒 四肢厥冷 戰慄腹疼 吐瀉不渴 引

衣自蓋 蹇卧沉重 或手足指甲唇青 或口吐涎沫

或至無脉 或脉來沉遲無力

熟附子 乾姜 人參 甘草 白朮 肉桂

陳皮 五味 茯苓 半夏

嘔吐涎沫 或小腹痛 加鹽炒吳茱萸

蘇合香丸

無脉者加猪胆汁一匙 嘔吐不止加姜汁
 泄瀉不止加升麻黃芪 半夏
 水二鍾姜三片煎之臨服加麝香三厘調服中
 病以手足溫和即止不得多服多則反加別病
 矣如未止可用前理中飲如減治之無妨
 回陽反本湯 治陰盛格陽陰極發躁微渴面赤
 欲坐則於坭水井中脉來無力或脉全無欲絕
 者 附子 乾姜 甘草 人參 變門冬
 五味 臘茶 陳皮

面戴阳者下虚也加葱七莖黃連少許用澄清
 泥漿水二鍾煎之臨服入蜜五匙頓冷服之取
 汗為効

柴胡百合湯 治瘧後昏沉發熱渴而錯語失神
 及百合勞復等證

柴胡 人參 黃芩 甘草
 知母 百合 生地 陳皮
 渴加天花粉 胸中煩熱加山梔 頭微疼加
 羌活川芎 嘔吐加姜汁炒半夏 胸中飽悶

加枳壳桔梗 食後者加枳實黃連甚重大便
 實者加大黃 胸中虛煩加竹茹竹葉 瘧後
 乾嘔錯語失神呻吟睡不安者加黃連犀角
 咳喘加杏仁百合甚加麻黃 心中驚惕為血
 少加當歸茯苓神遠志 虛汗加黃芪 脾澀加
 白朮 腹中雷鳴加煨生姜 勞復時熱不除
 加葶藶烏梅生艾汁
 水二鍾束一枚姜三片槌法加醋炙煎申煎之
 溫服

如聖散 治剛柔二症頭搖口噤身反張手足棄
 搐頭面赤項強急與瘰癧同此法 羌活
 防風 川芎 白芷 柴胡 芍藥 甘草
 當歸 烏藥 半夏 黃芩 有汗是柔瘧加
 白朮桂枝 無汗是剛瘧加麻黃蒼朮 口噤
 咬牙者如大便實者入大黃利之
 水二鍾姜三片煎之臨服入姜汁竹瀝溫服
 溫經益元湯 治因汗後太虛頭眩振然欲僻
 地并肉腠筋惕及因發汗太多衛虛亡陽汗不

正或下後利不止身疼痛者併皆治之
 熟地 人參 白朮 黃芪 甘草 芍藥
 當歸 生地 茯苓 陳皮 肉桂 大附子
 如飽悶加枳壳去地黃 如瘦人去芍藥有熱
 去附子 利不止加炒白朮升麻陳壁土去當
 歸地黃 嘔者加姜汁製半夏 渴者加天花
 粉 汗後惡風寒 傷表虛去附子肉桂生地加
 桂枝膠飴 水二鍾姜三片棗一枚加糯米一
 撮槌法煎之溫服

逍遙湯 治有汗傷寒瘧後血氣未平勞動助熱
 復還於經絡有因與婦人交接淫慾而復發不
 易有病者謂之勞復內交接淫慾而無病人反
 得病者謂之陰陽易余曾見舌出數寸而死者
 多矣此証最難治必宜此湯
 人參 知母 竹青 卵縮 腹痛倍加黃連
 甘草 滑石 生地 萆根 柴胡 犀角
 水二鍾姜三片棗二枚煎之臨服入燒裊襠末
 一錢半調服有粘汗出為効不粘汗出再服以

赤水

卷

三

小水利，陰頭腫則愈。
 升陽散火湯，治有患人，又手、鼻、胸、尋衣、摸牀、譫語昏沉，不醒人事，不可呼為風証，而用風藥，誤死者多矣。蓋汗熱乘于肺金，元氣虛不能自主，持名曰撮空証，小便利者可治，小便不利者不可治。
 人參、當歸、柴胡、芍藥、黃芩、甘草、白木、變冬、陳皮、茯苓。
 有痰加姜製半夏，大便燥實譟語發渴加大黃，泄渴者加升麻炒白木。

水二鍾，姜三片，棗一枚，槌法入金首飾煎之，熱服。
 再造飭，治有患頭疼發熱，項脊強惡寒無汗，用發汗藥二三劑，汗不出者，苟不識此，不論時令，遂以麻黃、重藥及火劫取汗，誤人死者多矣。殊不知陽虛不作汗，故有此証，名曰無陽証。
 黃芪、人參、桂枝、甘草、細辛、熟附子、羌活、防風、川芎、煨生薑。
 夏月加黃芩石膏，冬月不加。

此方...

...

...

水二鍾束二枚煎至一鍾槌法加炒芍藥一撮煎三沸溫服

黃龍湯 治有患心下鞭痛下利純清水譏語發渴身熱殊不識此証但見下利便呼為漏底傷寒而使用熱藥止之就如抱薪救火悞人死者多矣殊不知此因熱邪傳裡胃中燥屎結實此利非內寒而利乃逐日自飲湯藥而利也宜急下之名曰結熱利証身有熱者宜用此湯身無熱者用前一六一順氣湯

大黃 芒硝 枳實 厚朴 甘草

人參 當歸 年老氣血虛者去芒硝

水二鍾姜三片束二枚煎之後再加桔梗煎一沸熱服

調營養氣湯 即加減補中益氣湯

治有患頭疼身熱惡寒微渴濺然汗出身痛脚腿酸疼沉勸脉空浮而無力不可因見頭疼惡寒發熱便呼為正傷寒而大發其汗所以輕變

重而害人者多矣此勞力內傷氣血外感寒邪
 宜少辛甘溫之劑則愈名曰勞力感寒証故經
 云勞者溫之損者溫之溫能除大熱正此謂也
 有下証者大柴胡湯下之則緩
 人參 黃芪 當歸 生地 川芎 柴胡
 陳皮 甘草 細辛 羌活 防風 白朮
 元氣不足者加升麻少許須知元氣不足者至
 阴之下求其升 口渴加天花粉知母 喘嗽
 加杏仁去升麻 汗不止加芍藥去升麻細辛

胸中煩熱加山梔竹茹 乾嘔加姜汁炒半夏
 胸中飽悶加桔梗枳殼去生地甘草黃芪白朮
 少許痰盛者加瓜蒌仁貝母去防風細辛 腹
 痛去芪朮加芍藥乾姜和之 有因血鬱內傷
 腹有痛處或大便黑加菔仁紅花去芍辛羌防
 黃芪白朮甚者加大黃下尽瘀血則愈後去大
 黃調理
 水一鍾姜三片東二枚槌法入葱白二莖煎之
 溫服

導赤各半湯 治患傷寒後心下不鞭腹中不滿
 大小便如常身無寒熱漸變神昏不語或睡中
 獨語一二句目赤唇焦舌乾不飲水稀粥與之
 則嚙不與即不思形如醉人俗不識此而誤人
 者多矣殊不知熱傳手少陰心也心火上而迫
 肺所以神昏名越經証

黃連 山梔 黃芩 滑石 甘草
 知母 犀角 茯神 麥冬 人參
 水二鍾姜棗煎之加灯心一握煎沸熱服

益元湯 治有患身熱頭疼全無不煩便作躁悶
 面赤飲水不得入口不識者呼為熱証而用涼
 藥遂至誤人殊不知元氣虛弱是無根虛火泛
 上名曰戴陽証

熟附子 甘草 乾姜 人參 五味
 麥冬 黃連 知母 葱 艾
 水二鍾姜一片棗二枚槌法臨服入童便三匙
 頓冷服

桂苓飲 治有患初得病無熱狂言煩躁不安精

來不與人相當切勿呼為狂發候用下藥死者
多矣此因熱結膀胱名如狂証

猪苓 澤瀉 桂枝 甘草 白朮

知母 黃栢 山梔 棘葉

水二鍾姜三片煎一鍾槌法再加滑石末一錢
煎三沸溫服取微汗為効

當歸活血湯 有患無頭疼無惡寒止則身熱渴

小便利大便黑口出無倫語設如不識呼為熱
証而用涼劑則候矣殊不知內傳心脾二經使

久昏迷沉重故名挾血如見崇

當歸 赤芍 甘草 紅花 桂心 乾姜

枳壳 生地 人參 柴胡 菖仁

服三帖後去菖仁紅花干姜桂心加白朮茯苓
水二鍾姜一片煎之槌法入酒三匙調服

加味道痰湯 有患憎寒壯熱頭疼 凡迷悶上

氣喘急口出涎沫庸醫皆作傷寒治之多候殊
不知此目內傷七情以致痰迷心竅神不守舍
神出舍空則痰生也名曰挾痰如見崇痰症

類傷寒與此同治法

茯苓 半夏 南星 枳實 黃芩 瓜蒌仁

白朮 陳皮 甘草 桔梗 人參 黃連

年力壯盛先用吐痰法後服此湯

水二鍾姜三片棗二枚槌法臨服入竹瀝姜汁

溫服

加減調中飲

治食積類傷寒頭疼發熱惡寒氣

口脈緊盛但身不痛此為異耳經云飲食自倍

腸胃乃傷輕則消化重即吐下此良法也

蒼朮 厚朴 陳皮 甘草 白朮 山查

神麴 枳實 草菓 黃連 乾姜

腹中疼加苑仁 痛甚大便實熱加大黃下之

去山查草菓神曲干姜

心中元欬吐者與乾霍亂同吐法用滾水一

碗入鹽一撮皂角末五分探吐

水二鍾姜一片臨服入木香磨汁調服即効

加減續命湯 治脚氣類傷寒頭疼身熱惡寒支

節痛便秘嘔逆脚軟屈弱不能轉動但起於脚

膠耳禁用補劑及淋洗

防風 芍藥 白朮 川芎 防已

桂枝 甘草 麻黃 蒼朮 羌活

暑中三陽所患必熱脈來數去附子桂枝麻黃

加黃栢黃芩柴胡 寒中三陰所患必冷脈來

遲加附子 起于濕者脈來弱加牛膝木瓜

起於風者脈來浮加獨活 元氣虛加人參少

許 大便實者加大黃 水二鍾姜一片葱二枚灯心二十莖槌法臨服

入姜汁調服

芩連消毒飲 時天行大頭病發熱惡寒頭項腫

痛脈洪取作痰症治之其喉痺者亦照此方治

柴胡 甘草 桔梗 黃芩 川芎

荆芥 黃連 防風 羌活 枳壳

連翹 射干 白芷

先加大黃利去一二次 後依本方去大黃加

人參當歸 水二鍾姜三片煎一鍾加鼠粘子一撮再煎一

沸槌法入竹瀝姜汁調服

初起不可用太黃末後不減方可量加

加味六神通解散治時行三月後謂之晚發頭

痛身熱惡寒脉洪數先用冲和湯不愈後服此

湯

麻黃

甘草

石膏

黃芩

滑石

蒼朮

川芎

羌活

細辛

水二鍾姜三片槌法入豆豉一撮葱白二莖煎

乏熱服取汗中病即止

大官唐少昊撰校

終

